



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

5. Recipimus nuper &c. Ad Regem Angliæ super deductione 100. millium
Florenorum de summa per Regem Franciæ solvenda, & de recipiendo
tantundem de subsidio Cleri: an. 1362.
-

[urn:nbn:de:hbz:466:1-74452](#)

ANNO
1360.III.
Ex Arch.
Angliæ
Rymere
Tom. 6.
pag. 302.

Exclusio petitionum Regis Angliae super Promotione Androyni Abbatis in Cardinalem: anno 1360.

INNOCENTIUS EPISCOPUS,

Servus Servorum Dei, carissimo in Christo Filio Eduardo, Regi Angliae illustri, Salutem & Apostolicam Benedictiōnem.

Nuper quanto desiderares affectu dilectum Filium Androynum, Abbatem Monasterii Cluniacensis, ad Cardinalatus dignitatem per Se-dem Apostolicam promoveri, diligenter nobis exposuit dilectus Filius, nobilis Vir Guillermus de Barton Miles, Nuncius tuus, qui ad nostram presentiam pro parte tuae Serenitatis accedens una cum dilecta Filio, nobili Viro Roberto de Lorriaco Milite, quem ad nos cum devotæ supplicationis instantia carissimum in Christo Filius noster Johannes, Rex Francorum illustris, pro hujusmodi negotio specialiter destinavit. Negotium ipsum multa fuit diligentia ac prudentia prosecutus. Verum, carissime Fili, licet in hoc & aliis Tibi placitis tuis annuere votis, & complacere desideriis, quantum cum Deo possumus, cupimus, ad praesens tamen tuis in hac parte supplicationibus annuendum fore non vidimus, certis nos moventibus causis, quas Excellentiae Regiae praefatus Nuncius, Lator praestitum, per nos super eisdem pleniis informatus, vivæ vocis oraculo poterit apertius referare. Rogamus itaque Magnitudinem tuam, & hortamur attente, quatenus premiis causis debita consideratione pensatis, molestè non feras, si petitiones tuas super promotione hujusmodi de praesenti non duximus admittendas. Ceterum super nonnullis aliis, pro parte tua per Nuncium ipsum nobis expositis, de intentione nostra informationem similiiter ab eodem recipies valebit praefata tua Serenitatem pleniorum.

Datum Avignon. Septimo Calendas Januarii, Pontificatus nostri anno octavo.

IV.
Ibid. pag.
317.

Bulla super Concordia inter Ducem Britanniae & Carolum de Bloys: anno 1361.

INNOCENTIUS EPISCOPUS,

Servus Servorum Dei, carissimo in Christo Filio Eduardo, Regi Angliae illustri, Salutem & Apostolicam Benedictiōnem.

Pervenit nuper ad Audientiam nostram, qualiter tam Tu, quam carissimus in Christo Filius noster Johannes, Rex Francie illustris, pro tractanda concordia inter distos Filios, nobiles Viros Carolum Ducem Britanniae, & Johannem Comitem Montis-Fortis, certos diem & locum, in quibus ipsi coram Vobis seu Commissariis vestris convenire debebant, statuisse. Nos itaque hujusmodi Regiae deliberationis, pro tam salubri materia consilium plurimum in Domino commendantes, ac incepta per Vos laudabiliter sine terminari debito cupientes, dilectum Filium Androynum, Abbatem Monasterii Cluniacensis, Matisconensis

Dicefis, cuius provida solertia & solers prudencia in magnis & arduis se nobis & Sedi Apostolicae claram fecit, ad interponendum circa concordiam hujusmodi Apostolicæ autoritatis partes debitas, tanquam pacis Angelum ad præfatum locum duxitus destinandum. Quocirca Serenitatem tuam rogamus & hortamur attente, quatenus pro nostra & Apostolicae Sedis reverentia eidem Abbati quis assistendo favoribus & Consilii inhaerendo pro sedanda discordia inter dictos Ducem & Comitem, & pace stabili ratione communis commodi reformatam dare velit Magnitudo Regia, prout expedire viderit, opem & operam efficacem.

Datum Avignon. quarto Id. Martii, Pontificatus nostri anno nono.

ANNO
1362.V.
Ibid. pag.
357.

Ad Regem Angliae super deductione 100. milium Florenorum de summa per Regem Francie solvenda, & de recipiendo tantundem de subsidio Cleri: anno 1362.

INNOCENTIUS EPISCOPUS,

Servus Servorum Dei carissimo in Christo Filio Eduardo, Regi Angliae illustri, Salutem & Apostolicam Benedictiōnem.

Recepimus nuper Regiae Celitidinis litteras nostro Apostolari destinatas, Responsa super pluribus, quæ à Celitidine praefata petivimus, nostris votis & petitioni conformia continentis. Equidem Fili carissime tuum de servanda Pace, quam Tu & carissimus in Christo Filius noster Johannes, Rex Francie illustris, aspirante Domino firmavisti, laudandum propositum multipliciter in Domino commendamus. Super eo autem, quod pro deductione de certa pecunia summa, quam praefatus Rex in Festo Resurrectionis Domini proximè futuro Tibi solvere certis ex causis tenetur pecuniam subsidii centum milium Florenorum boni auri & ponderis Florentini, quod Prælati & Clerus tui Regni nobis pro nostris & Ecclesiæ Romanæ urgentibus necessitatibus liberaliter obtulerunt. Quamvis Termini solutionis dicti subsidii per Prælatos tui Regni jam praefixi longores sint, quam terminus dicti Festi. Recipere in eisdem Terminis obtulisti tuam liberalitatem, habuimus valde gratam, notificamusque Tibi, quod gentes dicti Regis hujusmodi oblatione percepta similiem summam centum milium Florenorum boni auri & ponderis Florentini nuper nostræ Camerae realiter assignarunt. Venerabilibus Fratribus Archiepiscopo Cantuarieni, & Episcopo Eliensi, quos ad hoc tua Serenitas nominavit, per alias nostras damus litteras in mandatis, quod praedita centum millia Florenorum dicti subsidii, in terminis ad hoc, ut praedictur, ordinatis, studeant exigere & levare. Contradictores autoritate nostra per censuram Ecclesiasticam appellatione postposita competendo. Et ipsa centum millia Florenorum Tibi seu tuae Camerae assignata, exinde ab eadem Serenitate opportunas recognoscere litteras receperunt. Quare placeat Magnificentia tua, secundum quod, ut praesertim, liberaliter obtulisti, praefata centum millia Florenorum deducere de hujusmodi summa majori, quam Tibi dictus Rex solvere in praefato Feso tenetur, & su-

ANNO
1362.

per hoc Nunciis ejusdem Regis concedere recognitionis & Quitantiae litteras opportunas.
Datum Avinion, Calend. Aprilis, Pontificatus nostri anno X.

ANNO
1362.

Super Deductione & Receptione antedictis.

INNOCENTIUS EPISCOPUS,

Servus Servorum Dei, Venerabilibus Fratribus, Archiepiscopo Cantuariensi, & Episcopo Eliensi, Salutem & Apostolicam Benedictionem.

Debitum æquitatis exposcit, sæpèque necesse statis articulus exigit, ut ea, quæ pro causis urgentibus ordinantur, quamvis prius spontanea fuerint, ad obviandum tamen litigiosis & discolis, ad opportunæ certioris vinculum reducantur; Dudum siquidem, prout Fraternitas vestra novit, Vos & alii Prælati, & Ecclesiasticae Personæ Regni Angliae Sanctæ Romanae Ecclesiae, Matri vestra, multarum tribulationum & necessitatum angustias patienti, Filialis compassionis exhibentes effectum, eique volentes in eisdem necessitatibus subvenire, nobis liberaliter obtulisti gratuum subfidium centum millium Florenorum. Nosque considerantes viarum pericula & diversa incommoda, quæ verisimiliter possent contingere in pecunia hujusmodi ad Romanam Curiam missione, & ab eisdem periculis & incommodis per providentiam utilem præcavere, ipsamque pecuniam, dictis necessitatibus nimis urgentibus, quam citè posset fieri, nostra assignari Cameræ cupientes, subscriptum modum in hac parte providimus adhibendum; videlicet, quod, cum carissimus in Christo Filius noster Johannes, Rex Francie illustris, quandam pecunia summam certis de causis carissimo in Christo Filio nostro Eduardo, Regi Angliae illustri, in Fatto Resurrectionis Dominiæ proximè se utero solvere teneatur. Et idem Rex Angliae, prout nuper nobis per suas litteras intimavit, ad preces nostras concenserit deducere dictam summam centum millium Florenrum de majori summa, quam in dicto Fatto ei debet solvere Rex Francie prælibatus. Et deinde recipere dicta centum millia Florenorum, nobis debita pro subfido supradicto, quamvis termini solutionis facienda de ipso subfido post Festum hujusmodi sint futuri. Pecunia ipsa ejusdem subfidi per Vos ab eisdem Prælati & personis Ecclesiasticis dicti Regni in Terminis, ad hoc per eosdem Prælatos, ut dicitur, jam præfixis, levetur, & etiam exigatur, & exacta præfato Regi Angliae, in deductionem dictæ summae, sibi per præfatum Regem Francie debitæ nostro nomine assignetur. Quare, ut hujusmodi modus, per nos tam provide quam utiliter adhibitus, in præmissis effectum debitum consequatur, & non contingat intervenire defectum in assignatione prædicta, præfato Regi Angliae facienda, Fraternitatem vestram monemus & hortamur attente, ac per Apostolica scripta mandamus, quatenus præfatus subfidum ejusdem summæ centum millium Florenorum, boni auri & ponderis Florentini, seu verum valorem ipsorum in alia moneta æquivalentem pecuniam, prout secundum æquam divisionem

ejusdem subfidi, pro vestris, seu Ecclesiasticis vestrarum redditibus, & proventibus Ecclesiasticis, quos obtinetis in Regno prædicto, rationabiliter vos contingat, in Terminis, per vos & alios dicti Regni Prælatos, ad hoc, ut dicatur, ordinatis, integraliter solvere. Ac vos alter vestrum, per vos, vel alium, seu alios, ab aliis Prælati, & personis Ecclesiasticis dicti Regni secularibus & regularibus quibuscumque, exemptis, & non exemptis, cujuscunque Præministeria, dignitatis, status, ordinis, vel conditionis existant, quibus, aut eorum alicui, nulla privilegia, vel indulgentias, sub quacunque verborum forma, vel expressione concessa, volumus suffragari, pro ipsorum Prælatorum, & Ecclesiasticarum personarum, Ecclesiasticis redditibus & proventibus, quos in præfato Regno obtinent, exigere & colligere studeatis. Præfatos dicti Regni Prælatos, & personas Ecclesiasticas ad solvendum dictum subfidi, in eis terminis, ad hoc, ut prædictur, ordinatis, auctoritate nostra, per censuram Ecclesiasticam, ac per sequestrationem eorundem redditum & proventuum suorum Ecclesiasticorum, in præfato Regno consistentium, si expediens fuerit, appellatione postposita, compescendo. Quod si forte vos, vel alter vestrum in hujusmodi solutione subfidi defeceritis, seu defecerit, taliter deficietes seu deficiens similes sententias, quas per vos, vel alterum vestrorum, aut alios subdelegatos vestros, in non solventes dictum subfidi, in eisdem terminis, proferri contigerit, incurrire volumus ipso facto. Non obstantibus, si vobis, aliquis Prælati, & Personis Ecclesiasticis supradictis, communiter, vel divisi, à prædicta Sede indeutum existat, quod ad solutionem alicuius subfidi minimè teneamini, & ad id compelli, aut quod interdicti, suspendi, vel excommunicari non possitis per literas Apostolicas quæ de induito hujusmodi non fecerint mentionem. Et quibuslibet privilegiis, indulgentiis, exemptionibus, & literis Apostolicis, quibuscumque Ordinibus, & specialiter Sanctorum Benedicti & Augustini, Cluniacensi, Cisterciensi, Præmonstrati, Cartusiensi, Grandimontensi, & ipsorum Universitatibus generaliter, vel specialiter, sub quacunque forma, vel expressione verborum, à memorata Sede concessis. Ad hæc volumus, vobisque eadem auctoritate concedimus, quod vos, & alter vestrum, quos ex defectu non factæ solutionis hujusmodi incuruisse præfatas sententias contigerit, ab eisdem sententiis, post satisfactionem debitam, per aliquem ex viciniis Episcoporum excommunicationis sententiâ ligatum, & alias gratiam & communionem prædictæ Sedis habentem, facta sibi fide de satisfactionis hujusmodi absolutionis beneficium & super irregularitate, si quam forsan sic ligati, non tamen in contemptum clavium, celebrando divina, vel immiscendo vos illis, contrareritis, dispensationis gratiam obtainere, aliquis etiam, quos eadem sententias, ex defectu solutionis hujusmodi incuruisse contigerit, post satisfactionem debitam, facta vobis similiter fide de illa, similiiter ab eisdem sententiis absolutis beneficium super irregularitate contracta dispensationis gratiam impendere. Et demum, postquam eadem centum millia florenorum integræ receperitis de ipsis, eosdem Prælatos, & totum Clericu dicti Regni Angliae absolvere ac quietare plenariæ valeatis.

Datum Avinioni Calendas Aprilis, Pontificatus nostri anno decimo.

URBANUS